



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

§. 3. De Thraciâ Chersoneso.

urn:nbn:de:hbz:466:1-13167

Histo-
ricis
Thra-
ciæ.

MONS

PANGÆVS adiacens vrbi Philippis, quare modò
Thraciæ, modò Macedonia adiudicatur: antea
Carmanius dicebatur, ait Plutarchus, hodie
Malaca, & Castagna Bellonio.

§. 3. De Thraciâ Chersoneso.

HELLESPONTIA, & Hellepontica, & Hellepontus Regio di-
citur apud Suidam: PALLENE Halicarnassæ, & Stephano,
qui addit hanc à Crusæis habitari; fertilis admodum iuxta Xe-
nophontem. Tota fuit aliquando Agrippæ, quo mortuo ad
Augustum rediit.

LYSIMACHIA, aliter Hexamilium dicta, à Lyfimacho con-
dita est, cùm Cardia euersa concidisset, inquit Pausa-
nias. Hodie *Hexamili* Sophiano, *Policastro* Nardo.
Cardia cuius meminit Plutarchus in Eumene, item & He-
rodotus; Ptolemæo Cardiopolis, ex cuius ruinis Lyfima-
chia.

CALLIPOLIS Straboni, hodie *Gallipoli*, nomen freto dedit:
Turcis *Gebbole* Leunclauio.

SESTOS, Abydo Asiaticæ opposita, nota Leandri amoribus,
Posidonium etiam dictam ait Gellius. Castaldus ait vr-
bem deiectam, & locum vocari à Nautis *Malido*, alij *Bo-
gazoffar*, aut *Bazazassar* à Turcis vocari contendunt, &
sic aiunt appellari oppida in angustiis posita, nos dicimus
les Dardanelles, quæ vox quoque communis est, & *les Cha-
steaux*, quâ voce vruntur Franci Peram incolentes.

PROTESILEVM, oppositum Sigæo Pro. Straboni, Plinio, &
Solino: *intercidit*.

Cynossema, hoc est tumulus Helenæ in canem commutata,
lapidibus obruta à Græcis ob conuicia: *perit*.

Elæus Straboni, in Helleponto Stephano, hodie *Critea* Ni-
gro.

Alopeconnesos in exigua Chersoneso collocata, cuius me-
minerunt sæpè Liuius, & Demosthenes: *nulla est*.

Μαχρὸν
Τείχος { Herodotus in Melpomene, ait Miltiadem duxisse mu-
rum à Gordiâ (lege Cardia) Pactyam vsque ad ex-
Bbb iij

- Lon- }
gus }
Murus. } cludendam Cherfonnesum: meminit & huius Plinius lib. 4. cap. 11. notatque hinc urbem excitatam esse à quâ muri à Propontide ad Meltam, vel Meleam (lege Melanem) sinum decurrerent, & his muris excludi Cherfonnesum. De alio muro ad tutelam urbis Constantinopoleos supra diximus.
- HEL- }
LES- } Aliter Fretum Hellepontiacum, ab Helle sorore Phryxi, quæ ex Ariete aureo decidens huic nomen dedit. Ideò Nazianzenus *παρθένιον*, Aqua Virginicida Lycophroni. Huius maximæ angustiae inter Abydum & Sestum sunt duorum stadiorum Polybio, septem Plinio, octo Xenophonti. Sestiacum Pelagus, & Abydi freta dicit Aufonius; Phryxæum Pontum Lucanus, Phrygium æquor Maro: hodie *Sretto di Gallipoli*, aliter *le Bras de S. George*.
- PON- }
TVS }
PRO- } Sic dicta, quòd ante Pontum extendatur; Bebrycium
PON- } Mare Tzetza in variâ Historiâ à Bebryciâ, hoc est Bithyniâ quam alluit; mare Thracium vocat Antigonus; hodie *Mar di Marmora*, ab Insulâ Preconneso
TIS } vulgò *Marmora*, ex quâ pulcherrimum Marmor eruitur; de quâ in Asiâ.

CAPVT VI.

Vera Græcia Historica.

PRÆMONVIMVS Græciam ita sumptam olim distributam esse in Achaiam, seu Helladem, Peloponnesum, & Insulas, de quibus antequam de more aliqua ex historiis prælibentur, aliqua proponemus, quæ toti Græciæ communia sunt.

§. I. *De Græciâ in communi.*

OFFEREMVS hinc primò Familiarum duarum Deucalionis, & Inachi stemmata, ex quibus magna lux huic capiti affulgebit, quæ ex Apollodoro, Conone apud Protium, Diodoro Siculo, Pausaniâ collegimus; tum agemus more solito de nomine, linguis, moribus, politia, doctrina, religione, selibantes ea quæ sic Græcis communia sunt, vt neque Atheniensibus, neque Lacedæmoniis, neque aliis populis aptari queant.